



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

6. Virtutum B. virg. brevis Catalog.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

PARS SEXTA.

*Breuis, & succinctus amplissimarum B.
Virginis virtutum Catalogus, ex B.
Ambrosio decerptus.*

ET si Sodales ex his, quæ iam dicta sunt, fatis cognoscere possint eximias dotes, ac virtutes, quibus B. Virgo admirabiliter splenduit; ut tamen particularem magis & distinctam earum habeant notitiam, faciliusq; eas sibi ob oculos ad imitationem proponant, subiiciemus breuem & succinctum earum Catalogum, qui illis erit loco speculi pulcherri-
mi planè, ac opportuniissimi, quod cõtem-
plentur, & spectent assiduè; ut ad eius nor-
mam se, moresq; suos effingant, & accom-
modent. Catalogum autem hunc decer-
psimus, ex B. Ambrosij libr. 2. de Virgini-
bus, quem totidem verbis referemus. Sic
igitur magnus ille Doctor scribit, virgines
cum primis, ac simul cultores illius omnes
compellans.

Sit vobis tanquàm in imagine, descri-
pta virginitas, & vitaque B. Mariæ; de qua,
velut speculo, refulget species castitatis, &
forma virtutis. Hinc sumatis licèt exem-
pla viuendi, vbi tanquàm in exemplari
magisteria expressa probitatis, quid corri-
gere,

gere, quid effugere, quid tenere debeatis, ostendunt. Primus discendi ardor, nobilitas est magistri. Quid nobilius Dei matre? quid splendidius eâ, quam splendor elegit? quid castius eâ, quæ Corpus sine corporis contagione generavit?

Virgo erat non solum corpore, sed e- *Puritas B.*
tiam mente, quæ nullo doli ambitu since- *Maria.*
rum adulteraret affectum.

Corde humilis, verbis grauis, animi *Humilitas,*
prudens, loquendi parcius, legendi studio- *& pruden-*
sior; non in incerto diuitiarum, sed in pre- *tia.*
ce pauperis spem reponens. Intenta operi,
verecunda sermone, arbitrum mentis soli-
ta non hominem, sed Deum quærere.

Non lædere reos, benè velle omnibus, *Lenitas &*
assurgere maioribus natu, æqualibus non *māfuetudo.*
inuidere, fugere iactantiam, rationem se-
qui, amare virtutem.

Quando ista vultu læsit parentes? quan- *Modestia*
do dissensit propinquis? quando fastidiuit *in conuer-*
humilem? quando derisit debilem? quan- *satione.*
do vitauit inopem? eos solos solita cœtus
virosum inuisere, quos misericordia non
erubesceret, neque præteriret verecun-
dia.

Nihil toruum in oculis, nihil in verbis *Modestia*
procax, nihil in actu inuerecundum: non *in verbis,*
gestus fractior, non incessus solutior, non *gestu, inces-*
vox petulantior; vt ipsa corporis species *su, actu.*
simu-

simulachrum fuerit mentis, figura probitatis.

*Sobrietas,
& preca-
tionis assi-
duitas.*

Quid exequar ciborum parsimoniam, officiorum redundantiam; alterum ultra naturam superfuisse, alterum penè ipsi naturæ defuisse? Illic nulla intermissa tempora, hîc congeminos ieiunio Dies? Et si quando reficiendi successisset voluntas, cibus plerumque obuius, qui mortem arceret, non delicias ministraret.

*Somni par-
citas.*

Dormire non prius cupiditas, quàm necessitas fuit: & tamen cùm quiesceret corpus, vigilabat animus, qui frequenter in somnis aut lecta repetit, aut somno interrupta continuat, aut disposita gerit, aut gerenda pronunciat.

*Modestia
foras pro-
deundo.*

Prodire domo nescia, nisi cùm ad Ecclesiam conueniret, & hoc ipsam cum parentibus aut propinquis. Domestico operosa secreto, forensi stipata comitatu, nullo meliore tamè sui custode, quàm seipsa, quæ incessu affectuq; venerabilis, non tam vestigium pedis tolleretur, quàm gradû virtutis attolleret: & tamen alios habeat virgo membrorum custodes suorum, bonorum aut suorum se habeat ipsa custodem.

*Studium
profectus.*

Sic Maria intendebat omnibus, quasi à pluribus moneretur, sic implebat omnia virtutis officia, ut non tam disceret, quàm doceret. Talem hanc Euangelista mon-

strauit;

stravit; talem Angelus reperit, talem Spiritus sanctus elegit. Quid enim in singulis morer? ut eam Parentes dilexerint, extranei prædicauerint, quæ digna fuit, ex qua Dei filius nasceretur?

Hæc ad ipsos ingressus Angeli inuenta domi in penetralibus, sine comite, ne quis intentionem abrumperet, ne quis obstreperet. Neque enim comites scæminas desiderabat quæ bonas comites cogitationes habebat. Quin etiam tum sibi minus sola videbatur, cum sola esset: nam quemadmodum sola, cui tot libri adessent, tot archangeli, tot prophete? Denique & Gabriel eam ubi reuifere solebat inuenit, & Angelum Mariæ, quasi viri specie mota, trepida, quasi non incognitum audito nomine recognouit.

Quam verò religiosa in propinquas fuerit, scriptura diuina significat. Nam & humilior facta est, ubi se à Deo cognouit electam, & statim ad cognatam suam in montana processit; non utique ut exemplo crederet, quæ iam crediderat oraculo. Et tribus cum ea mensibus mansit: tanti autem interuallo temporis non fides quæritur, sed pietas exhibetur.

Quamuis esset mater Domini, discere tamen præcepta Domini desiderabat; & quæ Deum genuerat, Deum tamen scire cupiebat.

Quid

Quies, & solitudo non otiosa.

Pietas eius, & caritas in alios.

Studium eius in Dei præceptis cognoscendis.

*Pudor &
verecūdia
eius in om-
nibus.*

Quid quod annis quoque omnia ibat in Hierusalem solemni die Paschæ, & ibat cum Ioseph? Vbiq̃ue in virgine comes singularum virtutum est pudor. Hic individuus debet esse virginitati, sine quo non potest esse virginitas. Nec ad templum igitur Maria sine pudoris sui custode processit.

*Conclusio.
Mariæ vi-
ta omnium
esse debet
disciplina.*

Talis denique fuit Maria, vt eius vnus vita omnium disciplina sit. Si igitur auctor non displicet, opus probemus, vt quicunque eius optat præmium, imitetur exemplum. Haftenus B. Ambrosius.

PARS SEPTIMA.

*Ratio brevis, & efficax commendandi se
B. Virgini, crebrò à bonis Sodali-
bus instituenda.*

F Acto signo Crucis, ac mente, corporeque ad Orationem composito, imaginabor B. Mariam coram me positam, ac omninò paratissimam ad indigentiam, & paupertatē meam subleuandam; si modò illi me gratum præstitero, ac eam feruide quicquid oportuerit, rogauero.

G Ratias itaque illi agam de cunctis beneficiis, quæ illa mihi à Christo im-
petra-